

PATRIARCHATUS HIEROSOLYMITANUS.

LIBER DUODECIMUS.

I.
PALÆSTINÆ
DESCRIPTIO.
a Optatus l. 6.

b Ammian.
Marc. lib. 14.



ERRAM ingredior ubi, ait Optatus ^a, secundum hominem natus est Christus, ubi ejus sancta sunt impressa vestigia, ubi ambulaverunt adorandi pedes, ubi ab ipso factæ sunt tot & tantæ virtutes, & ubi eum sunt tot Apostoli comitati. Palæstina dicitur, quam sic describit Ammianus Marcellinus ^b: *Ultima Syriarum est Palæstina, per intervalla magna protensa, cultis abundans terris & nitidis, & civitates habens quasdam egregias, nullam nulli cedentem, sed sibi vicissim velut ad perpendiculum emulas: Cesaream, quam ad honorem Octaviani Principis exadificavit Herodes, & Eleutheropolim, & Neapolim, itidemque Ascalonem, Gazam, &*

Juliam ævo superiore extructas. In his tractibus navigerum nusquam visitur flumen, & in locis plurimis aquæ suapte natura calentes emergunt, ad usus aptæ multiplicium medelarum. Verum has quoque regiones pari sorte Pompejus, Judeis domitis & Hierosolymis captis, in Provinciæ speciem rectori delata jurisdictione formavit. Est circa Hierusalem, inquit Strabo ^c, locus saxosus, aquis ipse quidem abundans, cum regio circum sterilis ac sicca sit, & intra sexaginta stadia etiam solum habeat lapidosum infernè. Nec ab eo discrepat D. Hieronymus ^d, dum ait: Non rigatur ut Ægyptus deorsum, sed desursum, nec facit olera languentium cibos, sed temporaneum & serotinum de celo expectat imbrem. Hæc terra montosa & in sublimi sita, quantum à deliciis seculi vacat, tantò majores habet delicias spiritus.

Clauditur magna ex parte montibus, habetque pro terminis ab Oriente & Septentrione Libanum & Antilibanum, ab Occidente partem Phœnicia & mare Syriacum, & à Meridie Arabiam Petræam: appellataque est Palæstina à Philisthiim, quos Palæstinos corruptè vocant. Prius sub Juliano Apostata Consularem ^e habuit. Deinde sub Gratiano f Proconsulem, ac sub eodem in duas provincias divisa est, cum in utraque Palæstina Theodosius Judæorum Synedria fuisse scribat g. Tandem in tres divisa est, scilicet primam, secundam, & salutarem. Primæ, quæ minor erat, Metropolis fuit Cæsarea; secundæ Scythopolis, ^h & tertiæ salutaris Jerusalem. Prima Consularis fuit, sed duæ aliæ à præsidibus tantum regebantur: ut videre est in Notitia Imperii Romani, ⁱ & apud Jurisconsultos.

II.
JERUSALEM
METROPOLIS
JUDÆÆ.
k Euseb. l. 3. c. 3.
Ep' αυτην την λε-
ρασαλήν ως αν έπι
μητρόπολιν.
l Strabo lib. 16.
m D. Hieronym. Epist. 17.

Hujus regionis olim primaria urbs Hierusalem fuit Eusebio teste ^k, quam etiam Judæorum Metropolim Strabo ^l nominat, & de qua hæc D. Hieronymus ^m scribentem audire hæud ingratum erit. Recurre ad Genesim & Melchisedech regem Salem, hujus principem invenies civitatis: qui jam tunc in typo Christi panem & vinum obtulit, & mysterium Christianum in Salvatoris sanguine & corpore dedicavit. In hac urbe, immò in hoc tunc loco & habitasse dicuntur, & mortuus esse Adam. Unde & locus, in quo crucifixus est Dominus noster,